

各安其位經緯直行保鎮家園無有災傷
四海寧一普天興昌

六願四時隨節推遷景炁和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄陰損玄玄隱

則無為散則彌天神仙同居結友衆真惠

流一切興國愛民普濟羣生入同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國作保天無終護度一切莫不仰宗

十願江海蕩蕩無極舍容恢廓無細不植淵

奧柔惠潤加蟠息天人獲慶年同劫石

十一願帝王國土日昌四鎮安睦兵革不揚

天人歌唱吉應來翔敷教濟濟咸化洋洋

兆庶稱慶長樂未央

十二願蝗飛蠶動已生未生成蒙安全普得

生成皆見元炁受陽之形草木果林經冬

不零一切濟度靡不鮮榮和與道合真

復爐

香官使者左右龍虎君侍香諸靈官當令臣

行道之所自然生金液丹碧芝英百靈衆真

交會在此香火爐前令修齋弟子其存亡受

福幽顯靈恩十方仙童玉女侍衛香煙傳奏

臣向來所啓速達徑御

至真元極大道玉皇上帝御前

出戶

太上黃籙齋儀卷之二

正一天師清微弟子 洪百堅 製作

道教學術資訊網站

太上黃籙齋儀卷之三

唐廣成先生杜光庭集 齋三

第一日落景行道

入戶

各禮師存念如法

衛靈

神光朗耀 瑞炁布旋 箕斗澄輝

芝宇晏然 玉眸金具 寶壇絕乾

變夜作晝 回子午前 太華流彩

丹鳳飛圓 息魔滅姦 高步祥煙

天具並集 齊到帝前

鳴法鼓二十四通

无上三天玄元始三炁太上老君召出臣等

身中三五功曹左右官使者侍香金童傳言

玉女五帝直符直日香官各三十六人出當

召此問土地里域具官正神速出關啓臣今

正爾燒香奉為某官某已為國為家奉修无

上黃籙大齋若干日夜以今第一日落景登

壇燒香行道願得太上十方正真生炁降流

臣等身中令臣所啓之誠速達徑御

至真无極大道昊天玉皇上帝御前

各稱法位

上清玄都弟子其等同誠上啓

虛无自然元始天尊无極大道太上大道君

太上老君高上玉皇十方已得道大聖衆至

真諸君丈人三十六天帝君玉虛上帝玉帝

大帝東華南極西靈北真玄都玉京金闕七

寶玄臺紫微上宮靈寶至具明皇道君玄中

大法師東嶽上卿司命真君西極總真玉君

太平下教二十四真人名山洞府得道神仙

三界應感一切真靈等幸以宿因躬逢道

化師資開度得入法門佩服經圖遵修戒錄

未能凝神林谷養志煙霞荏苒先陰棲遲朝

市竊尋經旨以濟物為先凡有歸心理宜關

奏況奉詞百敢不上聞

讀詞

按如詞言情理丹切歸心十極稽首諸天希

設齋壇以崇福祉等謹相携率依按科儀

啓修道場延格真聖奉為修設黃錄妙齋各

運丹心上祈

玄祐以今落景行道運茲

初捨上香歸身歸神歸命

大道等首體投地歸命

太上三尊願以是功德上資宗廟先靈今朝

皇帝瑤圖地久寶祚天長日月齊明山河等

壽儲宮妃后乃聖乃神百辟庶僚允文允武

兵戈永息妖惡不興四海人寧萬方入貢今

故燒香歸依

師尊大聖衆至真之德得道之後昇入无形

與道合真

以今落景行道運茲三捨上香歸身歸神歸命

大道等首體投地歸命

太上尊經願以是功德歸流齋主某家七祖

幽靈九玄滯識生神上境鍊魄南宮荷陽靈

變質之功得陰景留形之妙神津灌沐道炁

寶熏利祐見存逍遙自在今故燒香歸依

師尊大聖衆至真之德得道之後昇入无形

與道合真

以今落景行道運茲三捨上香歸身歸神歸命

大道等首體投地歸命

太上三師願以是功德歸流普天有識率土

含靈同沐熏修咸得其所齋主某家已身眷

屬災衰不撓過咎自消祿算增延福祥臻集

今故燒香歸依

師尊大聖衆至真之德得道之後昇入无形

與道合真

禮方

懺悔

步虛

嵯峨玄都山 十方宗皇一 迢迢天寶臺

光明耀流日 焯焯玉林花 蕩燦耀珠寶

常含餐元精 鍊液固形質 金光耀紫微

窈窕大衆逸

三啓 三禮

目等至心稽首禮

太上无極大道

目等至心稽首禮

三十六部尊經

目等至心稽首禮

玄中大法師

重稱法位

上清玄都弟子臣某重仰上啓

太上无極大道元始天尊太上大道君太上老君无上玄老十方无極大道道德衆聖天尊至真大帝天帝三十六部尊經玄中大法師四司五帝天真地靈名山洞府得道神仙隨機赴感一切真靈臣等累劫良緣遭逢福會推形中土稟質太和三洞宣行真經下化參奉玄奧佩受靈章而修鍊未尊善功未著志弘神化佐國立功濟物度人用副玄旨齋主某歸心至道拜首靈壇唯以丹誠冀通三界齋持法信崇啓道場臣等輒率法流共相獎勵澡身清境注想玄虛依按明科轉經行道虔恭懇款冀獲感通伏願三境衆尊回光照映十方大聖齊駕光臨俯察丹誠曲流景

新凶衰珍息門無天橫家有禎祥子孫承忠

孝之風中外尊又安之福旁該庶類下及三

塗俱賴玄休咸昇福岸臣等功成大度行備

三乘證道登真廣濟羣品天司地府幽職陰

僚共揚清靜之風求佐無爲之教上明

天尊廣濟之澤下副臣等歸命之誠謹啓以

聞

發願

一願大道流行普天懷德二願一切有生成

皆悟道三願九夜悲魂一時解脫四願孤魂

無依咸得受生五願天下太平五穀豐熟六

願臣忠子孝君仁父慈七願四海通同克親

和釋八願潛胞處卯咸得生成九願積疾新

痾旋即痊愈十願孤露衆生豐衣足食

復爐

香官使者左右龍虎君侍香諸靈官當令臣

行道之所自然生金液丹碧芝英百靈衆真

交會在此香火爐前令臣舉家受福存歿露

恩十方仙童玉女侍衛香煙傳奏臣向來所

啓徑達

至真无極大道玉皇上帝御前

出戶

太上黃籙齋儀卷之三